

PAPURAU BUSNES

DYDD MAWRTH, 5 RHAGFYR 2000

RHAN 1 - ADRAN A

AGENDA

Bydd y cyfarfod yn cychwyn am 2pm

Cwestiynau i Brif Weinidog Cymru (30 munud)

Mae rhestr o'r Cwestiynau Llafar ar y Fewnwyd (a Gwe'r Siambr)

Datganiad Busnes: Y Trefnydd

Pwyllgor Penderfyniadau Cynllunio

Cynnig bod y Cynulliad Cenedlaethol yn penderfynu:

1. Y dylid sefydlu pwyllgor, a elwir yn Bwyllgor Penderfyniadau Cynllunio 2000/3, yn unol â Rheol Sefydlog 27 i arfer swyddogaethau'r Cynulliad wrth bennu dau gais o dan Adran 77 o Ddeddf Cynllunio Gwlad a Thref 1990 ac un cais i bennu a ddylid llunio Gorchymyn o dan Adran 1 o Ddeddf Trafnidiaeth a Gwaith 1992 yn unol â'r drafft a gyflwynwyd mewn perthynas â materion a nodir yn yr Atodlen i'r cynnig hwn ac y dylid dirprwyo swyddogaethau'r Cynulliad yn hyn o beth i'r Pwyllgor hwnnw.

2. Mai aelodau'r Pwyllgor fydd:

Sue Essex (Cadeirydd)

Tom Middlehurst

Rhodri Glyn Thomas

David Davies

3. Y bydd y pwyllgor yn peidio â bod pan fydd Cadeirydd y Pwyllgor yn arwyddo llythyrau'r penderfyniadau yn unol â Rheol Sefydlog 27.16 neu ar 18 Rhagfyr 2000 pa un bynnag fydd yn digwydd gyntaf.

4. Os bydd y Pwyllgor yn peidio â bod heb i'r Cadeirydd arwyddo llythyrau'r penderfyniadau mewn perthynas â'r materion a nodir yn yr Atodlen i'r cynnig hwn, y bydd y swyddogaethau a nodir ym

mharagraff 1 uchod, mewn perthynas â materion o'r fath, yn cael eu dirprwyo i'r Prif Ysgrifennydd.

Atodlen

Cais gan Mr N C Hulme i ddatblygu annedd newydd ar dir yng Nghoed-y-Cae, Abertyleri, Blaenau Gwent.

Cais gan Mrs S G James i godi byngalo yn Ffynnon Las, Goginan, Aberystwyth, Ceredigion.

Cais gan Bridgend Valleys Railway Company Cyf am orchymyn i drosglwyddo gan Railtrack CCC i'r ceiswyr y pwerau statudol i gynnal a chadw a rhedeg rhan o Reilffordd Cangen Cwm Garw yng nghymunedau Ynysawdre a Chwm Garw, Pen-y-bont ar Ogwr.

Cynnig i gymeradwyo Gorchymyn Deddf Dysgu a Medrau (Cychwyn Rhif 2) (Cymru) 2000

Cynnig bod y Cynulliad Cenedlaethol:

- a. Yn cymeradwyo'r gorchymyn drafft a ganlyn o dan Reol Sefydlog 22.23A:

Gorchymyn Deddf Dysgu a Medrau 2000 (Cychwyn Rhif 2) (Cymru) 2000 a osodwyd yn y Swyddfa Gyflwyno ar 9 Tachwedd 2000

ac

(b) yn ystyried adroddiad y Pwyllgor Deddfau nad yw wedi nodi unrhyw faterion sy'n peri pryder yn y gorchymyn drafft, Gorchymyn Deddf Dysgu a Medrau 2000 (Cychwyn Rhif 2) (Cymru) 2000, a osodwyd yn y Swyddfa Gyflwyno ar 14 Tachwedd 2000.

Dadl ar Bolisi'r Cynulliad ar y Bartneriaeth Gyhoeddus-Preifat/y Fenter Cyllid Preifat

Cynnig bod y Cynulliad Cenedlaethol:

Yn nodi'r cynigion yn y papur 'Public Private Partnerships and the Private Finance Initiative in Wales' a ddosbarthwyd i aelodau drwy e-bost ar 28 Tachwedd 2000.

Yn cytuno i gyfeirio materion perthnasol yn y papur at y Pwyllgor Llywodraeth Leol a Thai a'r Pwyllgor Iechyd a Gwasanaethau Cymdeithasol i'w trafod ymhellach.

Yn cytuno y dylai'r Gweinidog dros Gyllid, Llywodraeth Leol a Chymunedau roi adroddiad pellach ar gynnydd i'r Cynulliad Cenedlaethol.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu grwpio'r gwelliannau fel a ganlyn at ddibenion trafodaeth – ond bydd y pleidleisiau'n cael eu cymryd yn unigol.

(1+2+3+4+5)

(6+7+8+9+10)

Gwelliant 1 - Jocelyn Davies (Dwyrain De Cymru);

Ychwanegu fel pwynt bwled newydd ar ôl pwynt bwled 1:

'Yn gresynu'r ffaith bod polisiau'r DU ar wariant cyhoeddus a'r diffiniad o Ofynion Benthycu y Sector Cyhoeddus yn llesteirio datblygiadau cyfalaf yn y sector cyhoeddus drwy ddulliau traddodiadol.'

Gwelliant 2 - Jocelyn Davies (Dwyrain De Cymru);

Ychwanegu fel pwynt bwled newydd ar ôl pwynt bwled 1:

'Yn gresynu bod Llywodraeth Cymru wedi methu â darparu dadansoddiad gwrthrychol o anfanteision a manteision PFI.'

Gwelliant 3 - Jocelyn Davies (Dwyrain De Cymru);

Ychwanegu fel pwynt bwled newydd ar ôl pwynt bwled 1:

'Yn nodi bod Plaid Cymru, yn groes i baragraff 2.3 yr adroddiad, wedi mynegi yn ei chyflwyniad i'r ymgynghoriad bryderon dybryd ynghylch dilyn y trywydd PFI.'

Gwelliant 4 - Jocelyn Davies (Dwyrain De Cymru);

Ychwanegu fel pwynt bwled newydd ar ôl pwynt bwled 1:

'Yn cofrestru ei amheuan difrifol ynghylch y PFI fel ffordd o ddarparu ateb cost-effeithiol i'r angen am ddatblygiadau cyfalaf cyhoeddus.'

Gwelliant 5 - Jocelyn Davies (Dwyrain De Cymru);

Dileer 'ar gynnydd' yn y trydydd pwynt bwled ac ar ôl 'adrodd' ychwaneger 'ar amrywiaeth o opsiynau ar gyfer ariannu prosiectau datblygu cyfalaf cyhoeddus'.

Gwelliant 6 - Alun Cairns (Gorllewin De Cymru);

Ychwaneger at ddiwedd y cynnig fel pwynt bwled newydd:

Yn croesawu PFI fel dull o ariannu ac yn llongyfarch y llywodraeth ddiwethaf ar ei chyflwyno fel dull caffael arloesol.

Gwelliant 7 - Alun Cairns (Gorllewin De Cymru);

Ychwaneger at ddiwedd y cynnig fel pwynt bwled newydd:

Yn galw ar i PFI gael ei defnyddio i sicrhau'r buddsoddiad mwyaf posibl ac i adeiladu ac adnewyddu ysgolion, ysbytai a thai sydd mewn perchnogaeth gyhoeddus.

Gwelliant 8 - Alun Cairns (Gorllewin De Cymru);

Ychwaneger at ddiwedd y cynnig fel pwynt bwled newydd:

Yn galw ar i PFI gael ei defnyddio lle bynnag y bo'n bosibl i ysgafnhau beichiau gwariant cyfalaf y trethdalwr ac i sicrhau'r buddsoddiad mwyaf posibl.

Gwelliant 9 - Alun Cairns (Gorllewin De Cymru);

Ychwaneger at ddiwedd y cynnig fel pwynt bwled newydd:

Yn galw ar i PFI gael ei defnyddio mewn unrhyw brosiect tai cymdeithasol yn y dyfodol.

Gwelliant 10 - Alun Cairns (Gorllewin De Cymru);

Ychwaneger at ddiwedd y cynnig fel pwynt bwled newydd:

Yn galw ar i PFI gael ei defnyddio i sicrhau'r buddsoddiad mwyaf posibl i adeiladu a chynnal cefnffyrdd a thraffyrdd.

Dadl Plaid Leiafrifol Plaid Cymru

Mae'r Cynulliad Cenedlaethol yn credu y dylai Ffurflen Cyfrifiad 2001 gynnwys blwch ble gall pobl fynegi eu hunaniaeth Gymreig.

Cyflwynwyd y gwelliannau canlynol:

Gwelliant 1 - William Graham (Dwyrain De Cymru);

Ychwanegu fel pwynt bwled newydd:

Er mwyn osgoi unrhyw ddryswch wrth fynegi'ch hunaniaeth genedlaethol, dylid argraffu blwch ticio Cymraeg ar ffurflen y cyfrifiad. Trwy'r dull hwn y cesgir y wybodaeth fwyaf cywir am genedligrwydd, ond cydnabyddir y bydd angen uwchraddio'r meddalwedd iddo allu cyfrif hefyd nifer y bobl sy'n nodi eu bod yn Gymry yn y blwch "arall". Bydd hyn yn caniatáu i bobl Cymru gael yr un cyfle â phobl yr Alban ac Iwerddon i gofrestru eu cenedligrwydd.

Gwelliant 2 - Andrew Davies (Gorllewin Abertawe) a Kirsty Williams (Brycheiniog a

Maesyfed);

Ychwanegu paragraff newydd:

'Er ein bod yn cydnabod cryfder y farn ar y mater hwn, mae'r Cynulliad yn annog holl bobl Cymru i gyflawni eu dyletswydd gyfreithiol i gwblhau ffurflen y cyfrifiad, gan gydnabod y gallai tangyfrif poblogaeth Cymru gael goblygiadau difrifol o safbwynt y cyllid craidd a dderbynnir gan wasanaethau allweddol yng Nghymru dros y degawd nesaf; ac mae'n galw ar bob plaid wleidyddol yng Nghymru a phob un o Aelodau'r Cynulliad i annog pobl i'w chwblhau.'

Cynnig i gymeradwyo newidiadau i Reol Sefydlog 22

Cynnig bod y Cynulliad Cenedlaethol, yn gweithredu o dan adran 46(6) o Ddeddf Llywodraeth Cymru 1998, a Rheol Sefydlog 26:

- i. yn ystyried adroddiad y Pwyllgor Busnes a osodwyd yn y Swyddfa Gyflwyno ar 1 Tachwedd 2000;
- ii. yn cymeradwyo'r diwygiadau i Reol Sefydlog 22 yn y ddogfen 'Newid Arfaethedig i Reol Sefydlog 22' a osodwyd yn y Swyddfa Gyflwyno ar 27 Tachwedd 2000;
- iii. yn penderfynu y dylai'r diwygiadau ddod i rym ar unwaith.

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad

am 9.05am ddydd Iau, 7 Rhagfyr 2000

J W Lloyd

Clerc y Cynulliad